

ხელშეკრულება
სახელმწიფო შესყიდვის შესახებ
ე.ტ.108-19

ქ. თბილისი

10 ივნისი, 2019 წელი

ერთი მხრივ, საქართველოს რეგიონული განვითარებისა და ინფრასტრუქტურის სამინისტროს გამგებლობაში არსებული სახელმწიფო საქვეუწყებო დაწესებულება - საქართველოს საავტომობილო გზების დეპარტამენტი, წარმოდგენილი დეპარტამენტის თავმჯდომარის მოადგილის, ალექსანდრე თევდორაძის სახით (შემდგომში - შემსყიდველი),

მის: ქ. თბილისი, ალ. ყაზბეგის გამზ. №12
საიდენტიფიკაციო კოდი: 211 343 982
საბანკო რეკვიზიტები: სახელმწიფო ხაზინა
ბანკის კოდი: TRESGE22
ანგარიშის ნომერი: GE 24 NB 0330 1002 0016 5022

და მეორე მხრივ, შპს „ეფემჯი სოფტ“, წარმოდგენილი მისი დირექტორის, დავით გოგოჭურის სახით (შემდგომში - მიმწოდებელი),

საიდენტიფიკაციო კოდი: 404857455
მისამართი: საქართველო, ქ. თბილისი, 26 მაისის მოედანი N1;
საბანკო რეკვიზიტები: სს თიბისი ბანკი
ბანკის კოდი: TBCBGE22
ანგარიშის ნომერი: GE 42 TB 7414 9360 2010 0001

თითოეული ცალ-ცალკე წოდებული, როგორც „მხარე“ და ერთობლივად წოდებულნი, როგორც „მხარეები“,

„სახელმწიფო შესყიდვების შესახებ“ საქართველოს კანონის 16¹ მუხლის პირველი პუნქტის, „ელექტრონული ტენდერის ჩატარების წესის დამტკიცების შესახებ“ სსიპ - სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დამტკიცებული ელექტრონული ტენდერის ჩატარების წესის 33-ე მუხლის პირველი პუნქტისა და სახელმწიფო შესყიდვების ერთიანი ელექტრონული სისტემით გამოცხადებული ელექტრონული ტენდერის (NAT190010182) საფუძველზე, ვდებთ ხელშეკრულებას (შემდგომში - ხელშეკრულება) შემდეგზე:

მუხლი 1. შესყიდვის ობიექტი

1. ხელშეკრულების საგანს წარმოადგენს საწყობის მართვის და ინვენტარის აღრიცხვის ქსელური პროგრამის შესყიდვა, თანდართული ტექნიკურ დავალების შესაბამისად.
2. ამ მუხლის პირველი პუნქტით გათვალისწინებული შესყიდვის ობიექტის CPV კოდებია: 48430000 - მარაგების მართვის პროგრამული პაკეტები.

მუხლი 2. ხელშეკრულების ღირებულება

ხელშეკრულების ღირებულება შეადგენს 20 000.00 (ოცი ათასი) ლარს, საქართველოს კანონმდებლობით გათვალისწინებული გადასახადების ჩათვლით.

მუხლი 3. შესყიდვის ობიექტის გაწვევის ვადა და ადგილი

1. მიმწოდებელი ვალდებულია, შესყიდვის ობიექტის მიწოდება განახორციელოს ხელშეკრულების გაფორმებიდან არაუგვიანეს 40 (ორმოცი) კალენდარული დღის განმავლობაში, ტექნიკური დავალებით განსაზღვრული პირობების შესაბამისად.
2. შესყიდვის ობიექტის მიწოდება, ხორციელდება შემსყიდველის ადგილსამყოფელის მიხედვით, რომელიც გათვალისწინებულია ხელშეკრულებით.

მუხლი 4. ანგარიშსწორების წესი

1. ხელშეკრულების მე-2 მუხლში განსაზღვრული ხელშეკრულების ღირებულება მოცემულია შესყიდვის ობიექტის გაწვევასთან დაკავშირებული მიმწოდებლის ყველა სახის ხარჯისა და საქართველოს კანონმდებლობით გათვალისწინებული გადასახადების ჩათვლით.

2. ხელშეკრულების ფარგლებში ანგარიშსწორება ხორციელდება საქართველოს ეროვნულ ვალუტაში, ხელშეკრულებით გათვალისწინებულ რეკვიზიტებზე, უნაღდო ანგარიშსწორების ფორმით.

3. შემსყიდველი ანგარიშსწორებას ახორციელებს მხარეთა შორის გაფორმებული მიღება-ჩაბარების აქტის გაფორმებიდან და საგადასახადო ანგარიშ-ფაქტურის დადასტურებიდან (თუ მიმწოდებელი რეგისტრირებულია დღგ-ის გადამხდელად) არაუგვიანეს 10 (ათი) სამუშაო დღის განმავლობაში.

მუხლი 5. შესყიდვის ობიექტის მიღება-ჩაბარების წესი

1. მიმწოდებლის მიერ გაწეული შესყიდვის ობიექტი შემსყიდველის მიერ მიღებულად ჩაითვლება მხოლოდ მხარეთა შორის მიღება-ჩაბარების აქტის გაფორმების შემდეგ.

2. შესყიდვის ობიექტის შემოწმებას, მიღება-ჩაბარებას და მასთან დაკავშირებული დოკუმენტაციის გაფორმებას ახორციელებს შემსყიდველის შესაბამისი სტრუქტურული ქვედანაყოფის – ქონების მართვისა და ლოჯისტიკის სამსახურის უფროსი ან/და ამვე სამსახურის უფროსის მოადგილე ან ქონების მართვისა და ლოჯისტიკის სამსახურის უფლებამოსილი სამსახურის უფლებამოსილი პირი.

მუხლი 6. შესყიდვის ობიექტის შესაბამისობა

1. შესყიდვის ობიექტი უნდა შეესაბამებოდეს მსგავსი პროგრამებისთვის დადგენილ სტანდარტებს, ხელშეკრულებაზე თანდართულ ტექნიკურ დავალებას და შემსყიდველის მოთხოვნებს.

2. ამ მუხლის პირველ პუნქტში აღნიშნული მოთხოვნებიდან მიმწოდებლის მიერ ნებისმიერი გადახვევის შემთხვევაში შემსყიდველი უფლებამოსილია, არ მიიღოს შესყიდვის ობიექტი ან/და მიმწოდებლის მიმართ გამოიყენოს ხელშეკრულებითა და საქართველოს კანონმდებლობით გათვალისწინებული პასუხისმგებლობის ზომები.

მუხლი 7. მხარეთა უფლება-მოვალეობანი

1. მიმწოდებელი ვალდებულია:

ა) უზრუნველყოს ხელშეკრულების პირველი მუხლით გათვალისწინებული, შესყიდვის ობიექტის მიწოდება თანდართული ტექნიკური დავალებით.

ბ) ხელშეკრულებით ნაკისრი ვალდებულებების შესრულება განახორციელოს ხელშეკრულებით გათვალისწინებული პირობების შესაბამისად;

გ) შესყიდვის ობიექტის მიწოდების პროცესში იხელმძღვანელოს ხელშეკრულების მე-6 მუხლის პირველი პუნქტში გათვალისწინებული მოთხოვნებით;

დ) შესყიდვის ობიექტის მიწოდება განახორციელოს ხელშეკრულების გაფორმებიდან არაუგვიანეს 40 (ორმოცი) კალენდარული დღის განმავლობაში, ტექნიკური დავალებით განსაზღვრული პირობების შესაბამისად.

ე) შესყიდვის ობიექტზე გაავრცელოს გარანტია, მიღება-ჩაბარების აქტის გაფორმების დღიდან არანაკლებ 12 თვის განმავლობაში, ტექნიკური დავალებით განსაზღვრული პირობების შესაბამისად;

ვ) მოახდინოს შემსყიდველის ინფორმირება ხელშეკრულებით განსაზღვრული ვალდებულებ(ებ)ის შესრულებისას ყველა განსაკუთრებული გარემოების შესახებ;

გ) უზრუნველყოს საქართველოს კანონმდებლობით განსაზღვრული სხვა ვალდებულებების შესრულება.

2. შემსყიდველი ვალდებულია შეუფერხებლად აღუწახადლოს მიმწოდებელს მიწოდებული შესყიდვის ობიექტის ღირებულება ხელშეკრულებით გათვალისწინებული ვადების და პირობების შესაბამისად.

მუხლი 8. ფორს-მაჟორი

1. მხარეები თავისუფლდებიან ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან, თუ ვალდებულებ(ებ)ის შეუსრულებლობა ან/და არაჯეროვნად შესრულება გამოწვეულია დაუძლეველი ძალის (სტიქიური უბედურება, ეპიდემია, ომი, კარანტინი, საქონლის მიწოდებაზე ემბარგოს დაწესება, საბიუჯეტო ასიგნებების მკვეთრი შემცირება, საზოგადოებრივი არეულობა, ცვლილებები კანონმდებლობაში და ა.შ.) ზეგავლენით, რომლის წინასწარ განსაზღვრა ან თავიდან აცილება მხარეების შესაძლებლობას აღემატებოდა. დაუძლეველი ძალით გამოწვეული მოვლენები ეწოდება მოვლენებს, რომელთა წარმოშობასა და განვითარებაზე მხარეებს ზეგავლენის მოხდენა არ შეუძლიათ (ფორს-მაჟორი).

2. მხარე, რომელსაც ხელშეკრულებით გათვალისწინებული ვალდებულებ(ებ)ის შეუსრულებლობის ან/და არაჯეროვნად შესრულების მიზეზად ფორს-მაჟორი მოჰყავს, ვალდებულია, დაუყოვნებლივ, მაგრამ ფორს-მაჟორის მოვლენის დადგომიდან არაუგვიანეს 5 (ხუთი) სამუშაო დღისა, წერილობით აცნობოს მეორე მხარეს ასეთი მოვლენის დადგომისა და მისი სავარაუდო აღმოფხვრის ვადის შესახებ; წინააღმდეგ შემთხვევაში იგი არ თავისუფლდება ხელშეკრულებით გათვალისწინებული ვალდებულებ(ებ)ის შეუსრულებლობით ან/და არაჯეროვნად შესრულებით გამოწვეული პასუხისმგებლობისაგან. ამასთან, მეორე მხარის მოთხოვნის შემთხვევაში, შესაბამისმა მხარემ უნდა წარადგინოს ფორს-მაჟორისაჩვენებელი დამადასტურებელი დოკუმენტი და დაასაბუთოს,

რომ ფორს-მაჟორმა არსებითად ხელი შეუშალა მხარეს ხელშეკრულებით გათვალისწინებული ვალდებულებ(ებ)ის შესრულებაში.

მუხლი 9. პასუხისმგებლობა

1. ხელშეკრულებით გათვალისწინებული ვალდებულებ(ებ)ის შეუსრულებლობის ან არაჯეროვნად შესრულებისათვის დამრღვევი მხარე ვალდებულია, მეორე მხარის მოთხოვნისთანავე გადაუხადოს მას პირგასამტეხლოს სახით ხელშეკრულების ღირებულების 1% არაუგვიანეს 5 (ხუთი) სამუშაო დღეში და უზრუნველყოს დარღვეული ვალდებულების დაუყოვნებლივ გამოსწორება, გარდა ამ მუხლის მე-2 პუნქტით განსაზღვრული შემთხვევებისა.

2. ხელშეკრულების მე-3 მუხლის პირველი პუნქტით განსაზღვრული შესყიდვის ობიექტის მიწოდების ვადის დარღვევის შემთხვევაში, მიმწოდებელს დაეკისრება პირგასამტეხლო თითოეულ გადაგადაცილებულ დღეზე ხელშეკრულების ღირებულების 0.01%-ის ოდენობით. მიმწოდებელი ვალდებულია, ამ პუნქტით გათვალისწინებული პირგასამტეხლოს გადახდა უზრუნველყოს შემსყიდველის მოთხოვნიდან 5 (ხუთი) სამუშაო დღის ვადაში.

3. იმ შემთხვევაში, თუ ხელშეკრულებით გათვალისწინებული ვალდებულებ(ებ)ის დარღვევის გამო მიმწოდებლისთვის დაკისრებული პირგასამტეხლოს ჯამური თანხა გადაჭარბებს ხელშეკრულების საერთო ღირებულების 5%-ს, შემსყიდველს უფლება აქვს, ცალმხრივად შეწყვიტოს ხელშეკრულება.

4. ამ მუხლის პირველი და მეორე პუნქტების საფუძველზე მიმწოდებლისთვის დაკისრებული პირგასამტეხლოს დადგენილ ვადაში გადაუხდელობის შემთხვევაში, შემსყიდველი უფლებამოსილია, მიმწოდებელს მიწოდებული შესყიდვის ობიექტის ღირებულებიდან დაუკავოს თანხა დაკისრებული პირგასამტეხლოს ოდენობით და მოახდინოს ურთიერთმოთხოვნათა გაქვითვა საქართველოს კანონმდებლობის შესაბამისად.

მუხლი 10. კონტროლი (ინსპექტირება)

1. ხელშეკრულებით განსაზღვრული ვალდებულებების შესრულების კონტროლი (ინსპექტირება) შემსყიდველის მიერ განხორციელდება ხელშეკრულების მოქმედების პერიოდში, ნებისმიერ დროს, შემსყიდველის მოთხოვნათა შესაბამისად.

2. ხელშეკრულებით გათვალისწინებული ვალდებულებ(ებ)ის შესრულების ინსპექტირებას ახდენს შემსყიდველის შესაბამისი სტრუქტურული ქვედანაყოფის – ქონების მართვისა და ლოჯისტიკის სამსახურის უფროსი ან/და ამვე სამსახურის უფროსის მოადგილე ან ქონების მართვისა და ლოჯისტიკის სამსახურის უფლებამონაცვლე სამსახურის უფლებამოსილი პირი.

მუხლი 11. ხელშეკრულების შეწყვეტა

1. ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვნად შესრულების შემთხვევაში, მეორე მხარეს შეუძლია, მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.

2. ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.

3. ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის ხელშეკრულების დანართის გაფორმების გზით.

4. მხარეთა შეუთანხმებლობის შემთხვევაში ხელშეკრულების თითოეულ მხარეს უფლება აქვს, ცალმხრივად, წერილობითი ფორმით შეწყვიტოს ხელშეკრულება.

5. შემსყიდველი უფლებამოსილია, ვადამდე, ცალმხრივად შეწყვიტოს ეს ხელშეკრულება, თუ:

ა) მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ვალდებულებებს;

ბ) მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მიუხედავად მისი დაწყების დროისა);

გ) მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

დ) მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;

ე) მიმწოდებლის მიმართ დაკისრებული პირგასამტეხლოს ოდენობამ გადააჭარბა ხელშეკრულების ღირებულების 5%-ს;

ვ) ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;

ზ) საქართველოს კანონმდებლობით გათვალისწინებულ სხვა შემთხვევებში.

მუხლი 12. სხვა პირობები

1. ხელშეკრულებაში შესატანი ნებისმიერი ცვლილება ან დამატება უნდა გაფორმდეს მხარეთა შორის წერილობითი შეთანხმების საფუძველზე ხელშეკრულების დანართის გაფორმების გზით. ამ პუნქტის შესაბამისად გაფორმებული ხელშეკრულების დანართი მხარეთა ხელმოწერისთანავე წარმოადგენს ხელშეკრულების განუყოფელ ნაწილს.

2. იმ შემთხვევაში, თუ ხელშეკრულებით განსაზღვრული შესყიდვის ობიექტის მიწოდების დროს ხელშეკრულების ღირებულებისა და ანგარიშსწორებიდან გამომდინარე ან რაიმე წინასწარ გაუთვალისწინებელი მიზეზის გამო წარმოიშვა ხელშეკრულების პირობების შეცვლის აუცილებლობა, მათ შორის, ფასების გადასინჯვის აუცილებლობა, ასეთი ცვლილებები დასაშვებია ხელშეკრულების საერთო შინაარსის ფარგლებში. ცვლილებ(ებ)ის ან/და დამატებ(ებ)ის შეტანის ინიციატორი მხარე ვალდებულია, წერილობით შეატყობინოს მეორე მხარეს შესაბამისი დასაბუთებული ინფორმაცია.

3. ნებისმიერი ცვლილება, რომელსაც მოჰყვება ხელშეკრულების ღირებულების გაზრდა ან შემსყიდველისათვის პირობების გაუარესება, დაუშვებელია, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

5. ხელშეკრულება რეგულირდება საქართველოს კანონმდებლობის შესაბამისად.

6. მხარეთა შორის წარმოშობილი სადავო საკითხები წყდება ურთიერთშეთანხმების გზით. მხარეთა მიერ შეთანხმების მიუღწევლობის შემთხვევაში დავა გადაწყდება საქართველოს სასამართლოს მეშვეობით საქართველოს კანონმდებლობის შესაბამისად.

7. ხელშეკრულება შედგენილია ქართულ ენაზე, 2 (ორი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი - შემსყიდველთან და ერთი პირი - მიმწოდებელთან).

8. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

მუხლი 13. ხელშეკრულების მოქმედების ვადა

ხელშეკრულება ძალაში შედის ხელმოწერისთანავე და მოქმედებს 2020 წლის 31 აგვისტოს ჩათვლით. გარდა ხელშეკრულებით განსაზღვრული იმ ვალდებულებებისა, რომელთა არსებობაც არ არის დამოკიდებული ხელშეკრულების მოქმედების ვადაზე (საგარანტიო პერიოდის სრულ დასრულებამდე).

შემსყიდველი:

მიმწოდებელი:

საქართველოს რეგიონული
განვითარებისა და
ინფრასტრუქტურის სამინისტროს
გამგებლობაში არსებული სახელმწიფო
საქვეუწყებო დაწესებულება -
საქართველოს საავტომობილო გზების
დეპარტამენტი

შპს „ეფემჯი სოფტ“

ალექსანდრე თევდორაძე

დავით გოგოჭური

ტექნიკური დავალება

საწყობის მართვის და ინვენტარის აღრიცხვის ქსელური პროგრამა რომელიც უნდ მოიცავდეს შემდეგ პარამეტრებს:

ზოგადი მოთხოვნები პროგრამის მიმართ:

- პროგრამაში რეგისტრირებული მომხმარებლების რაოდენობა - ულიმიტო;
- პროგრამაში ერთდროულად 5 მომხმარებლის მუშაობის საშუალება;
- კავშირი შემოსავლების სამსახურის პორტალთან RS.ge (RS.GE-ზე ატვირთული სასაქონლო ზედნადების ჩამოტვირთვა და შესაბამისი გატარებების გენერირება);
- ინტეგრირებული უნდა იყოს ოპერაციულ სისტემა Windows/Android/Ios ხელის კომპიუტერთან (მაგ: Zebra TC25, Zebra TC57; Zebra MC2180. Datalogic joya a6. ან მსგავსი მოწყობილობა) რომლის საშუალებითაც ძირითად სისტემასთან უნდა ხდებოდეს საჭირო ინფორმაციის გაცვლა;
- შექმნილი ლიცენზიის საფასური/მოსაკრებელი პრეტენდენტის მიერ გათვალისწინებული უნდა იყოს პროგრამის ღირებულებაში და უნდა იყოს უვადო;
- პროგრამაში ოპერაციების რეგისტრაცია შემსრულებლითა და თარიღით;
- შემსყიდველის მოთხოვნის შესაბამისად მომხმარებლების ფუნქციების განსაზღვრა-განაწილება, ნებართვების, აკრძალვების მოწყობა და ლოგირების ფუნქცია, რომელიც მომხმარებლის ავტორიზაციის დროს, ინფორმაციის შემოწმების, დამრედაქტირებელის და წამშლელის ვინაობის (მომხმარებლის სახელის) და თარიღის ნახვის საშუალებას იძლევა;
- პროგრამის მომხმარებლისათვის ოპერაციების რეგისტრაციასა და ცვლილებების შეტანაზე;
- პერიოდის შეზღუდვის დაყენების შესაძლებლობა (პერიოდის დახურვა) დახურულ პერიოდში, მომხმარებლებისთვის პროგრამაში არსებულ მონაცემებში ნებისმიერი სახის ცვლილების შეტანის შესაძლებლობის შეზღუდვა;
- შეზღუდვების მოწყობა არასაკმარისი ნაშთის არსებობის შემთხვევაში;
- არსებული ოპერაციების კოპირების შესაძლებლობა;
- რეპორტირების უნივერსალური სისტემის მოწყობა აღრიცხვის ერთეულების, პერიოდების, განყოფილებების მიხედვით;
- პროგრამას ცვლილებების შემთხვევაში უნდა ჰქონდეს გასული პერიოდის ბაზის (აქტივების მოძრაობის ბარათები) გადმოტანის შესაძლებლობა;
- შეთანხმებული ოპერაციების მონაცემების ექსპორტ-იმპორტის შესაძლებლობა Excel - ის საშუალებით შეთანხმებული ფორმატის ფაილით;
- პროგრამა საკუთრებაში უნდა გადაეცეს შემსყიდველ ორგანიზაციას; შემსყიდველი ვალდებული იქნება, რომ გამყიდველთან შეთანხმებულად არ გადასცეს მესამე პირს;
- შემსყიდველის მოთხოვნის შესაბამისად პროგრამაში ახალი მოდულების ჩაშენება და სრულყოფა მომწოდებელთან შეთანხმების და შესაბამისი ანაზღაურების პირობით;
- დასკანირებული დოკუმენტის მიზმის შესაძლებლობა;
- მხარდაჭერა ინფორმაციის დაცულობისა და სარეზერვო ასლების უზრუნველყოფისთვის დამკვეთის ინფორმაციული უსაფრთხოების სამსახურისთვის;
- პროდუქტი უნდა იყოს დასრულებული სახით და მომწოდებელმა უნდა უზრუნველყოს შემსყიდველის მიერ მოწოდებული ინფორმაციის პროგრამაში ატვირთვა, მომწოდებელთან შეთანხმებული ფაილის ფორმატით;
- გარანტია არანაკლებ 12 თვისა; ამასთანავე მიმწოდებელმა უნდა უზრუნველყოს ყველაწიერი პროგრამული ხარვეზის აღმოფხვრა უსასყიდლოდ, ანაზღაურების გარეშე, საგარანტიო პერიოდის განმავლობაში;
- საგარანტიო პირობებში მომწოდებელმა უნდა უზრუნველყოს:
 - ა) პროგრამის სრული ტექნიკური მხარდაჭერა და უზუსტობების არსებობის შემთხვევაში მათი აღმოფხვრა გონივრულ ვადაში (არაუგვიანეს 3 სამუშაო დღისა), კომუნიკაცია სატელეფონო და ონლაინ მხარდაჭერა, საჭიროების შემთხვევაში ვიზიტი დამკვეთთან, მაგრამ არაუმეტეს 6 ვიზიტისა (ჯამურად 12 საათი) თვის განმავლობაში.
 - ბ) შემსყიდველი ორგანიზაციის თანამშრომლებისათვის ტრენინგების ჩატარება სამუშაო დღეებში შემსყიდველის ადმინისტრაციულ შენობაში (ქ. თბილისი, ალ. ყაზბეგის გამზირი#12) აღნიშნული პროგრამაში სამუშაოდ, შემსყიდველთან შეთანხმებული გრაფიკით, მაგრამ არანაკლებ 25 და არაუმეტეს 35 საათისა.
- მიმწოდებელმა უნდა უზრუნველყოს აღნიშნული პროგრამის დანარგვა ხელშეკრულების გაფორმებიდან არაუგვიანეს 30 კალენდარული დღის ვადაში, შემსყიდველის მიერ მასზე გადაცემული ბაზების პროგრამაში ატვირთვა მისი გადაცემიდან არაუგვიანეს 10 კალენდარული დღის ვადაში.

საწყობი:

- შემოსავლების სამსახურის პორტალიდან „RS.GE“ მოსული სასაქონლო ზედნადებების ჩამოტვირთვა დაშესაბამისი გატარებების გენერირება, გატარებების შესაბამისად შემოსავლის ზედნადებების და მიღება-ჩაბარების აქტების გენერირება;
- გატარებების დროს თანხის გრაფას უნდა ქონდეს დღე-ს ჩათვლის და გათავისუფლების დილაკი;
- სასაქონლო ნომენკლატურის კოდების და ქვეკოდების მოწყობა; სახეობების და ჯგუფების მიხედვით;
- სასაქონლო ნომენკლატურის ძირითად და მცირეფასიან საშუალებებად კლასიფიცირების შესაძლებლობა;
- მიღებული საქონლის დანაყოფების და მატერიალური პასუხისმგებელი პირების, ლოკაციის მიხედვით გაცემის შესაძლებლობა, საქონლის ჩამოწერა, მიმწოდებლისადმი საქონლის უკან დაბრუნება (შესაბამისი მიღება-ჩაბარების აქტების და გასავლის ზედნადებების გენერირება);
- სასაწყობო ნაშთის კონტროლი, მასზე ქვედა ზღვარის დაწესების და აღნიშნული ზღვარს მიღწევის შემთხვევაში სასიგნალო ინფორმაციის მიღების შესაძლებლობა;
- რეპორტების მომზადება სხვადასხვა მატერიალური მარაგების, საწყობების, ნაშთების, მატერიალურად პასუხისმგებელი პირების და პერიოდების მიხედვით;
- შტრიხკოდების (საინვენტარო ნომრების) მინიჭება;
- ხელის კომპიუტერით (მაგ: Zebra TC70, Zebra TC25, Zebra TC57; Zebra MC2180. Datalogic joya a6. ან მსგავსი მოწყობილობა, რომელსაც გააჩნია თითის ან „stylus“-ის საშუალებით ელექტრონული ხელმოწერის დატანითვის სპეციალური ეკრანი) საწყობიდან საქონლის გაცემის ზედდებულის ხელმოწერით დამოწმების შესაძლებლობა.

ინვენტარიზაცია:

- პროგრამა უნდა უზრუნველყოფდეს ინვენტარიზაციის ჩატარების შესაძლებლობას ინვენტარზე არსებული შტრიხკოდების საშუალებით, ინტეგრირებული უნდა იყოს ოპერაციულ სისტემა Windows/Android/Ios ხელის კომპიუტერთან რომლის საშუალებითაც ძირითად სისტემასთან უნდა ხდებოდეს საჭირო ინფორმაციის გაცვლა;
- რეპორტირების უნივერსალური სისტემა რომელის საშუალებითაც შესაძლებელი უნდა იყოს ინფორმაციის მიღება, თუ რომელ სტრუქტურულ ერთეულში, ლოკაციაზე და რომელი პასუხისმგებელი პირის განკარგულებაშია მოცემული ინვენტარი როგორც დღევანდელი მდგომარეობით, ისევე დროის ნებისმიერი მომენტისათვის;
- სისტემა საშუალებას უნდა იძლეოდეს აღრიცხულ იქნას სისტემაში ინვენტარის შიდა მოძრაობები (დანაყოფიდან დანაყოფზე გადაცემა, ჩამოწერები) და უნდა ახდენდეს შესაბამისი მიღება- ჩაბარების აქტების გენერირებას. მეორადი ნივთების საწყობში ინვენტარის მოძრაობისას გარდა მიღება-ჩაბარების აქტებისა შემოსავლის და გასავლის ზედნადებების გენერირებას.



ალექსანდრე თევდორაძე



დავით გოგოჭური